

Գ Լ Ո Ւ Խ Մ Ի Է .

Ամենայն մանկաբարձ որ վտանգաւոր ծնընդենէ ծնուցանէ երեխայս ծնողն և ծնեալն մնացէ կենդանի, ստանայցէ տանէն հայոց մի դահեկան երծաթ:

Գ Լ Ո Ւ Խ Մ Ի Ը .

Ամենայն բժիշկ որ վարատէ ցաւս մահացուցիչ տկարաց և առողջացուցանէ 'ի տանէն հայոց ևս գտցէ մի դահեկան երծաթ:

Գ Լ Ո Ւ Խ Մ Ի Թ .

Ամենայն մանկաբարձ և բժիշկ որ ներքոյ կառավարութեան իւրոյ մեռցի տկարն և ծնողն և կամ երեխայն ամենայն մեռելոյ մանկաբարձ կամ բժիշկն մի գտցէ վարձ աշխատանաց և զին գեղօրէից իւրոց:

Գ Լ Ո Ւ Խ Մ Լ .

Ամենայն բժիշկ և մանկաբարձ պարտէ հասանիլ Օգնութիւն տկարի և ծնողի համանգամայն որ լսէ հրաւիրումն:

Գ Լ Ո Ւ Խ Մ Լ Ա .

Ամենայն տարւոջ և ամենայն ժամանակի ըստ տարբերութեան պատահմանց եթէ հարկա-